

**NATIONAL ASSEMBLY OF
SEYCHELLES**

Tuesday 28th October 2025

The Assembly met at 11.00am

National Anthem

Moment of Reflection

Madam Speaker in the Chair

MADAM SPEAKER

Mon ava dir byenveni ankor enn fwa tou bann Manm Onorab. E tou nou bann envite dan *Gallery* pou dezyenm parti nou miting pou ozordi.

Mon konnen i tradisyon pou normalman Speaker letan i antre pou li dir enn de mo. Mon pa pou fer li tro long. Mon pou dir mersi, mersi bokou, tou dimoun ki'n montre mwan zot sipor.

Mon'n ganny byen resevwar depi semenn pase ziska la ozordi mon'n ganny byen resevwar. E mon santi ki mon annan sipor tou nou bann Manm Onorab. E mon santi ki nou pou ganny nou tou sipor Sekretarya Lasanble Nasyonal.

Mon pe *look forward* pour sa 5an ki vini pour nou travay ansanm avek kanmarad. E mon donn zot mon garanti, mon

garanti ki *as much as possible* tou sa ki mon pou fer i enparsyal. Premye a ker i nou pei Sesel. E definitivman parey mon'n dir pou defann Konstitisyon Larepiblik Sesel.

So, nou ava pas lo *Order Paper*. E pou dezyenm - dezyenm parti nou *sitting* ozordi, nou annan eleksyon Deputy Speaker Lasanble Nasyonal parey nou konnen. Sa pou ganny fer dapre annakor avek *Standing Order* 4(4).

So, mon pou demann Madanm Clerk pou fer neseler pour eleksyon Deputy Speaker Lasanble Nasyonal.

MADAM CLERK

Bonzour ankor enn fwa tous. Mon ava kapab komanse par ganny en propozisyon pour pozisyon Deputy Speaker. Yes, Onorab Gill?

HON CHURCHILL GILL

Mersi Madanm Clerk. Bonzour Madanm Speaker. E tou bann Manm e bann dimoun dan *Gallery*. Anba Lartik 83 Konstitisyon Sesel, i osi fer provizyon pou en Deputy Speaker. Mon pe propoze ki Onorab Egbert Aglae, koman Deputy Speaker. Mersi.

MADAM CLERK

Mersi Onorab Gill. I annan okenn lezot propozisyon? Eskiz mwan. Se ki Onorab Gill ki'n *move* Mosyon. Alors, mon ava ganny en Manm ki pou segonn sa Mosyon. Yes, Onorab Gabriel?

HON CONRAD GABRIEL

Mersi. Mon a dir bonzour tou dimoun. Mon segonn propozisyon ki Mr Gill i anmennen pou – Onorab Gill pour Deputy Speaker. Mersi.

MADAM CLERK

Mersi Onorab Gill. Eski i annan okenn lezot propozisyon, pour sa pozisyon Deputy Speaker. Onorab Georges?

HON BERNARD GEORGES

Mersi Madanm Clerk. Bonzour Madanm Speaker. Madanm Clerk, wi mon ti a kontan fer en propozisyon pou Deputy Speaker. E avek ou permisyon, mon ti ava kontan fer en propozisyon dan laliny sa lapel pou linite ki Prezidan Herminie ti fer zour son linogirasyon.

E mon krwar ti ava en bon legzanp isi dan Lasanble Nasyonal pou montre linite ant nou Lasanble, ant sa de kote nou Lasanble pou ki etandonnen ki nou annan en Speaker ki sorti dan Parti US, ki

nou annan en Deputy Speaker, ki sorti lo kote *LDS*.

E dan sa laliny mon ti ava kontan propoz Onorab Gervais Henrie, ki'n Deputy Speaker dan sa Lasanble ki annan konesans e konpetans dan sa post koman Deputy Speaker. Mersi Madanm Clerk.

MADAM CLERK

Mersi Onorab Georges. I annan okenn Manm ki segonn sa Mosyon? Yes, Onorab Arissol?

HON SANDY ARISSOL

Mersi Madanm Clerk. Bonzour Madanm Speaker. Madanm Clerk, tou Manm Onorab e tou dimoun ki dan Galeri. E tou dimoun ki pe ekout nou. Mon ti a kontan segonn Mosyon propoze par Onorab Georges dan menm lespri ki'n ganny evoke dan lespri travay ansanm.

La i moman pou nou montre avek Lepep Seselwa si vre nou anvi travay ansanm, oubyen non. Alor, mon segonn Mosyon propoze par Onorab Georges pou Onorab Gervais Henrie ganny propoze koman Depite Speaker Lasanble Nasyonal. Mersi bokou.

MADAM CLERK

Mersi Onorab Arissol. Anliny avek nou *Standing Orders*, anvi

ki i annan 2 non. Sa se Onorab Egbert Aglae e Onorab Gervais Henrie ki'n ganny propoze koman, dan sa pozisyon Deputy Speaker. Alors, dan *Standing Orders* i dir nou ki nou bezwen fer en vot par *ballot, secret ballot*.

Alors, mon pou envit nou *Hansard Reporter* pou pase pou donn sak Manm en papye pou zot met non sa Manm ki zot anvi i vin Deputy Speaker.

Alors i annan 2 non, zot pou bezwen met en non lo sa papye ki zot gannyen. I annan non Egbert Aglae avek Onorab Gervais Henrie. Mersi.

Ok. So, mon ava demann nou *Hansard Reporter* pou pase pou anmas bann papye. Ok, mon ava envit Madanm Deputy Clerk avek nou *Hansard Reporter* pour kont bann vot. E osi nou a demann en Manm lo sak kote pour zwenn nou devan, pour vin regarde letan nou pe kont vot.

Bon nou'n ganny rezilta vot. Onorab Egbert Aglae in ganny 18 vot. E Onorab Gervais Henrie in ganny 15 vot. Savedir nou deklare ki se Onorab Egbert Aglae ki'n ganny sa pozisyon Deputy *Clerk Lasanble Nasyonal. - (Pardon) - Ki ganny sa – (eskiz mwan) - ki'n ganny sa pozisyon Deputy Speaker Lasanble Nasyonal.

E mon envit Onorab Egbert Aglae pour vin lo *podium* pour li pran son *Oath of Allegiance as Deputy Speaker*.

(APPLAUSE)

MADAM CLERK

Nou ava demann tou dimoun pour debout silvouple.

HON EGBERT AGLAE

I Clifford Egbert Aglae, do swear that I would be faithful and bear true allegiance to the Constitution of Seychelles and that I will preserve, protect and defend the Constitution of Seychelles in the Office of the Deputy Speaker. So help me God.

(APPLAUSE)

MADAM SPEAKER

Ok, nou ava dir felisitasyon Onorab Egbert Aglae. Lo nou *Order Paper* prezan i eleksyon *Leader of the Opposition*. Parey nou konnen Lartik 84 Konstitisyon i fer le neserer ki annan en *Leader of Opposition* dan Lasanble Nasyonal.

En *brief reminder* pour tou *Members*, ki se selman bann Manm ki dan parti, ki dan Lopozisyon, ki pour kapab partisip dan sa eleksyon pour *Leader* Lopozisyon dan sa Lasanble Nasyonal.

E alors *do* - eski nou annan okenn propozisyon sorti kot bann Manm pour en *Leader* Lopozisyon dan Lasanble? Onorab Arissol.

HON SANDY ARISSOL

Mersi Madanm Speaker. Ankor enn fwa bonzour tou dimoun ki a lekout. Lo nou kote parey ou'n byen edike Madam Speaker. Nou dan Lopozisyon ki bezwen swazir en dimoun ki reprezant nou koman sa *Leader*.

E nou lo nou kote latab group *LDS*. Se avek plezir e liminite ki nou anvi prezant avek Lasanble Nasyonal Onorab Bernard Georges, koman nou *Leader* Lopozisyon Lasanble Nasyonal. Mersi bokou.

MADAM SPEAKER

Mersi Onorab. Eski i annan okenn Manm ki segonn sa propozisyon? Onorab Henrie.

HON GERVAIS HENRIE

Mersi Madanm Speaker. Bonzour tou Manm Onorab e bann envite dan Galeri. Se avek plezir ki mon siport propozisyon *move* par Onorab Arissol pour Onorab Georges koman *Leader of Opposition*. Mersi.

MADAM SPEAKER

Ok mon mazine ki nou pour napa ankor en lot propozisyon pour sa *post Leader* Lopozisyon. Se alors ki nou deklare ki se Onorab Bernard Georges ki *Leader* Lopozisyon dan Lasanble Nasyonal.

(APPLAUSE)

MADAM SPEAKER

Lo nou *Order Paper* osi nou annan Eleksyon *Leader of Government Business* dan Lasanble Nasyonal. Ankor enn fwa Lartik 84(a) nou Konstitisyon, i fer provizyon ki i annan en *Leader of Government Business* dan Lasanble Nasyonal.

E ankor enn pti *reminder* ki se selman bann Manm sorti dan parti ki mazoriter dan Lasanble ki kapab partisipe. Alors mon demann en propozisyon pour - Onorab Audrey Vidot.

HON AUDREY VIDOT

Mersi Madanm Speaker. Mon a dir bonzour tou Manm Onorab. E tou bann dimoun dan Galeri e tou dimoun ki a lekout. Anba Lartik 84(a) Konstitisyon Sesel i fer provizyon pour en *Leader of Government Business*. Alors mon pe propoze ki Onorab Sylvanne Lemiel koman *Leader*

of Government Business in the House. Mersi.

MADAM SPEAKER

Mersi Onorab i annan okenn lezot Manm ki segonde. Onorab.

HON ROCKY URANIE

Mersi Madanm Speaker. Bonzour Madam Speaker. Bonzour Clerk, bonzour tou koleg Onorab. Tou viziter dan Galeri e tou dimoun ki a lekout. Mon segonn propozisyon fer par Onorab Vidot ki *move* ki Onorab Sylvanne Lemiel i *Leader of Government Business* dan Lasanble. Mersi.

MADAM SPEAKER

Mersi Onorab Uranie. Se alor ki mon mazine ankor ki nou pour napa en lot propozisyon pour en *Leader of Government Business*, se alor ki nou deklare ki se Onorab Sylvanne Lemiel ki *Leader of Government Business* dan Lasanble Nasyonal.

(APPLAUSE)

MADAM SPEAKER

Alors i la ki nou'n ariv a lafen nou dezyenm parti sesyon pour bomaten. I annan en posibilite zis en komunikasyon ki nou pour annan ABC apre midi 2er. Sekretarya i ava kontakte zot

pour konfirman. Se alor ki mon dir mersi pour ozordi e nou ava les zot konnen kan nou lot *sitting*. Nou *adjourn*.

(ADJOURNMENT)